

泉州府志

第三十册

卷之五十六

泉州府志卷之五十六

勲績 武蹟 捍衛

自古開疆拓土掃蕩妖氛必有奇傑之英出而効命  
解著勳於塗炭鞏國祚於苞桑勳載鼎鐘名傳史冊  
猶歟盛矣若夫建牙分闡開值小醜跳梁隨時殄滅  
戡亂之功亦不可泯卽幸值昇平烽火無驚而飭部  
伍嚴斥堠自有陰消潛弭者匪徒以劒扇綸巾自詡  
風流也外此而好義之士勇敢之夫團結鄉社于以  
敵王所愾保障一方干城腹心周詩所爲咏且兔歟

國家疆宇寧謐慎簡閩外之司分兵設汛互相聯絡自  
此山海永靖矣然安不忘危層軍旅之寄者其可恬  
熙自適弗塵未雨綢繆之思乎志勳績次武蹟附捍  
衛

明勳績

鄧城

黎鵬舉

王麟

邵應魁

鄧鍾

秦良弼

鄧城其先沙縣人洪武初以功授潞州百戶歷二世襲泉

衛遂籍江城登嘉靖甲午武科第一人襲父爵以功  
授中軍指揮陞廣東僉書遊兵把總通泰叅將累官至  
提督狼山副總兵城狀貌魁俊家貧力學喜賓客嫻騎  
射沉毅有謀浙直倭寇猖獗奉檄赴援大戰於徐公山  
曾陀蓮花洋洋山陽弋橋等處斬首千餘級王江涇陸  
涇壩之捷皆與俞大猷共事論功相亞陞狼山副總兵  
方疏置師舟適倭寇百船突至城兵不滿四十艘攻沉  
倭船無數賊焚舟登岸犯白蒲如梟復奮擊之擒斬幾  
盡時嚴氏柄國使人徵賄城不爲意被嗾陷逮繫落職

從雲中李總督以卒千人破達兵萬餘衆是年倭攻陷  
興化府聞巡撫以城請拔城雲中拜聞遊擊將軍未幾  
卒城微時與俞大猷爲刎頸交及奮行閒立戰功其勇  
畧氣節亦相類云子鏞登己丑進士官南陽守有聲鍾

丁丑武舉任貴州總兵

藝  
志

黎鵬舉字冲霄本合肥人始祖春世襲泉州衛千戶家晉  
江嘉靖閒倭寇內訌蹂躪浙閩者十餘年鵬舉先後奉  
檄援敵攻守大小數百戰輒有功其著者昌國復五城  
平湖解八圍漳浦破巢穴烏石奪舟艦永寧同安以兵

五百橫行數千賊中未嘗一與俞山之戰一晝夜斬五百六十級庚戌以舟師援上海射殺數十人復連擊殺數百人賊大駭遁忽他帥軍潰賊再鼓楫來鵬舉失援家丁數十人死傷畧盡拔劍付僕出重圍提空鞘晚賊賊刺之及入勁甲三寸乃仆賊謂其死也拭乃血于衣去鵬舉得不死事聞賜號忠勇歷守汀漳後爲總督朝宗憲誣奏與俞大猷同被逮旋得白釋歸起北路參將破倭福寧衝沉其舟焚溺無算擒泉賊潘若海江一峯二酋諸寇悉平卒爲忌者所齟齬落職卒于國權副總

兵國炳廣西總兵

王麟字君仁號四一晉江人指揮使鎧子五歲而孤年十  
六襲父職署衛篆嘉靖甲午丁酉兩魁武科繼移署鎮  
海衛篆歷掌南日小巘銅山總司事時海寇剽掠麟造  
巨艦精器械蚤夜治軍開駕樓船哨望忽遇賊五六十  
艘將校失色議避之麟橫刀叱曰某待罪行閒恨不逢  
賊而殲耳遂命鼓譟衝賊賊大懼一賊挾鏢上桅斗鬪  
弓射中其脇墜死二賊紅裏露刃相向麟連督殪之軍  
士夾擊斬李大用之黨吳元謙等二百二十餘人明年

賊哪廷胡霖等攻福寧督舟師大戰流江破之擊賊吳  
老徐付老等于南海灣遇唐子容等賊于表頭俱大破  
之前夜擒殺三百七十人捷聞賜白金甲寅擢廣東瀧  
水守備乙卯晉都指揮僉書討叛僑于密箐中斬李公  
本單普元等三十二人從征新寧右鼓雞頭等巢用嚮  
導麾之六搥之賊大敗斬首千二百四十餘級俘獲稱是  
清遠其大德二縣賊發統南軍戰于羅山興仁蕉坑破之  
俘斬二千餘賊平丁巳擢杭嘉湖叅將尋改福興泉漳  
叅將又改漳泉水陸叅將值倭寇發以水陸軍數千與

賊角逐且戰且誘賊乘汎自廣潮突至漳抄其後破之  
追擊賊于安平永寧崇武設疑兵應援襲破之賊潰追  
至同安賊從同安長泰遁海上麟率輕師乘戈船邀擊  
追及賊將嚴山老于祥芝石湖南灣口縱伏兵出擊盡  
破之擒山老鑿沉其舟洪澤珍之徒各燬巢去迎擊馬  
達法正等二千餘人破之倭擁千餘人突至海壇登山  
屯上運麟與把總朱先等夾擊大破之賊幾平有齣齣  
之于直指者論麟跋扈落職去賊益猖獗瀕海城堡不  
守中丞王公亟上疏言閩事棘麟不宜輕去麟感奮討

賊于古浪東詐鎮海山生得啞哩國國王孫上健健咬  
舌死斬獲首甲二百餘奪俘如之乘勝追擊兩日夜至  
涪洲破之七月親率騎兵尾賊于南安澗埕安溪上坑  
大破之詔復原職仍賜金以叅將領南路水軍大勦月  
港斬林雲張連等七十餘人病發猶力疾南討斬林叔  
濟李體寬數十賊誅其黨賊相戒引避呼曰髯將軍未  
幾疾亟卒于軍中麟狀貌魁梧瞳目脩髯身長七尺勇  
有氣力聰慧絕人少師事卹潛軒大奇之十四補右庫  
疊雋武聞旣起萬夫長從軍一意許國淹貫子史七書

百將傳潤達多智雅恂如經生與人和易不脩己卻不  
誦人過交遊盡知名士拊士卒挾纊有恩意善騎射畫  
鵠徑尺百步外引繩命中發必應弦嘗單騎按地形步  
惠安閩外賊猝至環之數匝麟持滿左右射連中數十  
鏃賊稍解得潰出行兵多依古法正部曲嚴刁斗擇善  
水草舍止用閒謀奇勝所立功多分與麾下吏有過許  
以功贖士卒樂盡死力遇偵報至披甲躍馬陷矢石深  
入爲士卒先臨敵先計復戰自結髮倥傯軍無敗血雖  
險絕之地常有天幸大小數百戰不妄掠一人獲醜生

五千六百有奇所賞拔將校多至大帥五膺帝賚三佩  
璽書封贈祖父母如其官銅山人立祠祀之撫按爲請

贈蔭

景璧集

那應魁字偉長號榕齋同安人幼穎慧弱冠操舉子業邑  
試傾同士會遭父艱未應督學試適俞大猷來視金門  
所彖從之游遂徙業焉丙午雋武閣丁未聯成武進士  
同登武第自應魁始已授所鎮撫贊畫南贛軍門贛多  
峒賊奉檄往諭賊以兵恐之不動以妖冶挑之復不動  
竟俯首聽撫歸報命中丞疏薦其可大用乙卯倭犯浙

身少... 卷之三十一  
詔徵天下材官總制張公以應魁隸俞大猷幕下大猷  
喜曰邵撫軍來倭不足平矣時倭勢猖獗應魁提兵據  
平望橋以待比至以偏師達其後追斬溺死千餘人中  
丞張景賢奇之令統巨艦駐洋山島夷所出沒也謀以  
衢山之急報疾趨之倭以二艘誘戰薄暮追至蒲灣諸  
艘蟄起應魁率舟師乘風衝犁平明至馬蹟劍甚猶暴  
血奮呼殊死戰賊乃潰去大猷親爲傳藥解衣仍令移  
師吳淞是時嘉定急則轉嘉定上海急則轉上海江陰  
急又轉江陰敵無不攻應魁無不應而川沙窪之擒斬

尤多明年大猷晉都督鎮浙乞應魁與俱懸賞得選鋒  
三百人猶之令撓賊賊不動應魁曰是初我也會大雪  
提三百人披箕持火藥夜半溜抵賊柵懸箕藥之風發  
火熾壁上下如赭大兵鼓譟進馬賊多焚死是役用奇  
以少擊衆號爲冠軍於是總制胡公檄合督兵黃窰港  
時候大至天色已晚聯舟爲營應魁語諸將曰乘其未  
定一鼓可擒也令我兵各標雙燈直衝賊艘炮弩齊發  
呼聲震天賊焚溺死者無數餘寇遁走茶山北洋窮力  
追之再戰再捷未幾諜報倭將入七了港乃設伏賊後

自以大兵迎敵戰酣伏起夾擊大破之追至乍浦衝突  
沉倭艘二御史上功陞南直隸遊兵把總兵部叙功復  
陞永寧衛指揮使旋把總劉家河明年復把總圖山巡  
歷江海不避風濤有倭至擊之三片沙沉其二舟斬首  
甚多陞福建都司署都指揮僉事誥授昭勇將軍封贈  
父祖如其官將赴閩而監軍唐順之移書撫按請以閩  
銜領浙直事專守江南而倭闖入江北總兵盧瑄被劾  
詔獄波及應魁遂解職日與諸名公賡詩倡和旣而劇  
賊會一本橫行粵中總督吳桂芳請以應魁叅將廣惠

潮提哨船不滿三十值賊艘百餘乘夜截擊獨以中軍  
當其衝自寅及辰督戰愈力手射殺賊圍乃解復合諸  
軍大戰破之而閩巡按陳公爲粵人遽以未履閩任申  
應魁遂求去歸而杜門却掃校讐左史寄情詩酒大輪  
夕陽慈雲天馬諸山皆有標題孝友天性俸入浴伯兄  
出入不問金門有園林之趣兄心欲之卽移家豪山而  
推宅與兄巡憲及郡僚行部往還輒枉車騎得其詩乃  
去然未嘗有所干年七十六卒著有射法詩稿行世清

白堂  
稿

鄧鍾字元字晉江人城子萬歷丁丑武進士先爲廣東東  
山叅將值瓊州酋黎廣黎馬屎等糾衆剽掠險莫何  
制府戴公命鍾率所部討之製備皮盾火器列陣揚旌  
聲言出水蕉賊果赴備乘虛直奪礮門據之用火攻擒  
其渠魁馘其羣醜由此轉攻西北連破岐筒山根居礫  
五指擒賊及斬首俘獲無算其黨計窮縛馬屎以獻數  
年逆寇悉平後歷前軍都督任四川貴州都督以征苗  
播大功加護國大將軍子世勳賜監守第崇祀名宦鍾  
武健多智畧熟兵書善用古戰法著有籌海重編行世